

## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies primus et secundus continentur

**Bolland, Johannes**

**Parisiis et Romæ, 1866**

§. II. Sancti cognomen ac patria: susceptum sacerdotium: præfectura in  
hospitio pauperum: additum huic monasterium Ordinis Cisterciensis,  
gestaque ab ipso ibidem prælatura: illius obitus ac primi ...

---

[urn:nbn:de:hbz:466:1-73889](https://nbn-resolving.de/urn:nbn:de:hbz:466:1-73889)

AUCTORE  
C. S.

A *Oratio denique hæc est*: Exaudi, Domine, populum tuum tota Tibi mente subditum, et beati Martini abbatis supplicatione custodi, ut corpore et corde protectus, quod pie credit, appetat, et, quod justè sperat, obtineat. Per Dominum etc. *Ex hactenus dictis dicendisque in dubium revocari nequit legitimus* S. Martini hodierni cultus, eaque ratione ille vere dici potest, ut supra dixit Henriquezius, Sanctorum numero adscriptus: verum nescio, an id per formalem a summo Pontifice canonizationem factum sit, ac proinde quam vere Henriquezius in *Fasciculo Sanctorum Ordinis Cisterciensis lib. II. distinet. 26, cap. 24 dixerit*: Diploma canonizationis ejus extat Romæ in Vaticano.

*Si qua exstiterit ejusdem Vita antiqua,*

B *Exstisit aliquam hujus sancti Abbatis Vitam, colligit亨riquezius in Menologio Cisterciensi ad hunc diem, ex adductis de eo hisce Seguini verbis*: Unde et multis in vita et post mortem emicuit miraculis, sicut in ejus Historia legitur. *Sed nonne Historiae nomine Seginus designasse potuit proprias illius Officii Lectiones, quas, cum mihi ad manum non sint, nequeo cum ceteris Seguini dictis ad Henriquezio relatis conferre; id tamen dicere licet, in octava ejusdem Officii Lectione, ex Manrico inferius describenda, expressum de miraculis ab eo Sancto, dum vivebat, patratis extare mentionem. Adhuc, utut sit, Philippus iste Seginus, monasterii Chalisi, seu Caroliloci, diœcesis Sylvanectensis in Gallia, monachus ac Prior, vixit seculo XVI, vivebatque etiam anno 1590, teste Carolo de Visch in Biblioteca Scriptorum Ordinis Cisterciensis, in qua et illius elogium datur, et inter ejusdem Opuscula inedita Catalogus Sanctorum Beatorumque universi Ordinis Cisterciensis, corundemque Vitæ plurimæ laudantur.*

C *ca dudum perisse videtur.*

B *Ponamus ergo, aliquam S. Martini Bellifontani abbatis Vitam, que Seguino prælutzerit, vere exstisit; nihil minus dubium erit, cuius illa temporis, cuius fidei fuerit, cum inter S. Martini obitum, Seguinique extatem quatuor saecula intercesserint, quorum quoto illa Vita scripta fuerit, nescitur. Porro si qua unquam, qualiscumque illa demum fuerit, Vita exstitit, videtur a solo Seguino visa fuisse (cum hanc ex eo solo alii laudent) ac Henriquezii tempore aut jam perisse, aut latuisse, cum ipsem in Menologio dicat*: Hujus Sancti (Martini) festivitas in universa Congregatione Hispanica hæc die solemniter recolitur, solemnissime recoleretur, si Historiam vita ipsius, quam Philippus Seginus penes se habuit, Hispani obtinere potuissent. *Nec notior ea fuit Tamayo, dum ad Martyrologium suum Hispalensem hoc die annotavit*: Ejus Acta penes se habuit Philippus Seginus; sed nostrorum dispendio perierunt. *Frustra igitur pro eadem obtinenda laborarem, proindeque cogor solum ea, quæ recentiores, ac in primis illustrissimum Manricus, Pacensis in Hispania episcopus, in sui Cisterciensis Ordinis Annalibus, de hoc sancto Abbe scripsérunt, colligere, quantumque per monumentorum penuriam licet, illustrare.*

## § II. Sancti cognomen ac patria: susceptum sacerdotium: praefectura in hospitio pauperum: additum huic monasterium Ordinis Cisterciensis, gestaque ab ipso ibidem prælatura: illius obitus ac primi successores.

Martinus, teste supra laudato Manrico ad annum Christi 1157, cap. 3, num. 1, fuit cognomento Cidis, genere nobilis, patria Zamorensis, jamque sacerdos, ac pio cuidam peregrinorum hospitio praefectus, dum Cisterciensia Institutum complexus est. De cognomento Cidis constat tam ex charta donationis Alphonsi VIII, alii VII, E Castellæ et Legionis regis, quam ex inscriptionibus, quas suis locis recensebo. At unde id cognomen accepit, nemo explicat. Floruit quidem in Hispania post medium seculum XI famosus bellator Rodericus, multis victoriis de Maurorum regibus relatis clarus, ab iisque voce Arabica Cid, quæ Ducem, Gubernatorem, Regulunque sonat, salutatus, unde et id cognomen retinuit: verum huic Cido unicum filium fuisse lego, ante patrem in pugna exsum, duasque filias; nec existimo, censuisse Manricum, Martinum ex illius posteris fuisse, quod ex Roderici historia minime verisimile est; ac multo malo credere, Martino cognomentum Cidis aliunde obtigisse.

D *Hinc nihil quoque habeo, quod pro ejusdem generis nobilitate confirmanda proferam, nisi quod non incongruum nobilitati patrimonium ei fuisse videatur ex iis, quæ de erecto, cui præfuit, pauperum hospitio infra dicemus. Pro Hispania illius patria faret cognomentum Cidis, seu Cid, pro natali autem solo Zamorensi tum ejusdem in Zamorensi diœcesi tam ante, quam post susceptum Cisterciensium Institutum habitatio et obitus, tum in postrem illius epitaphio, suo loco recitando, Zamorensium gloria appellatio. Tamayus in Annotatis ad Martyrologium Hispanicum hoc die 7 Octobris, euudem nativitate Gallum potius existimasse videtur, Martinus, inquietus, sancti patris Bernardi discipulus, qui ex cognomento Cid origine Hispanus creditur, ab ipso sancto patriarcha cum Aegae, Bernardo et Petro Pictaviensi in Hispanias dimissus, ut Ordinem Cisterciensem inter Hispanorum militum agmina extenderet. Fortasse ejusdem optimus fuit Bucelinus, qui verbis num. 5 relatis dixit, Martinum in tenera aetate monasticam vitam amplexum, sub S. Bernardo Claravallensi abbatte tantum profecisse, ut dignissimus visus fuerit, qui in Hispanias usque mitteretur. Verum hi nituntur Seguini loco, infra recitando, non admittendo.*

E *Redeo ad Manricum, de S. Martino, jam Jam sacerdos, viro, ac verisimiliter tum etiam presbytero, sic rnoque pauperum hospitio: Eum locum (in quo monasterium Bellifontis postea fuit edificatum) speluncam latronum olim,... primum quidem in domum orationis,*

Cognomento  
Cidis fuit,  
genere Hispanus,ac verisimili-  
lus patria  
Zamorensis,  
non Gallus.

AUCTORE  
C. S.

orationis, mox, junctis sociis, in transeantium hospitium, commutaverat: inde Hispano vocabulo ALUERGUEA, quod in eo peregrini suscipiuntur, vocatum. Confratribus (*sic enim vocabantur*) praesidebat Martinus; illi pauperibus devote ministrabant; et erant xenodochio possessiones, de quibus pauperes Christi sustentarentur. Extat (*in archivis Vallis paradisi notat in margine*) Rescriptum Innocentii Papae tertii, post septuaginta annos expeditum, quo recentis non paucis possessionibus, haec verba subjiciuntur: « Qua omnia idem monasterium » (scilicet de Peleas, a loco vicino sumpto vocabulo « priusquam Cisterciensium fratrum In ») stituta susciperet, possidebat. » Quibus viideas, et processus ibi aliquam continentum fratrum, confratrumque, quibus cura immineret peregrinorum; nec defecisse dotem pro necessariis, juxta tenorem et normam susceptae vitae. *Hactenus ille.*

*inservientibus  
presidens,*

B *14 An dictum locum fuisse olim speluncam latronum, ex sola traditione populari aut inquinitorum, an ex aliquo monumento, probare antiquo Ms. testimonio, Annalista affirmaverit, non tubet mihi divinare: sed fuisse ibidem aliquod pium peregrinorum pauperunne hospitium, habemus ex supra laudata dandaque Alphonsi VIII, alius VII Legionensis regis charta, in qua ille Aluergueria nova de Peleis appellatur. Aluergueria enim, seu Albergueria, Hispanum vocabulum, id sonat Latine. Recite item ex allegatis Innocentii III verbis statut, fuisse ibidem, antequam locus iste Cisterciensibus se subdidit, quemdam conventum seu pium contubernium, suis dotatum possessionibus; quorum autem potius credamus, quam piorum virorum, qui eidem hospitio vel xenodochio inservirent? Certe landatus rex Alphonsus eudem locum, dum ad Cistercienses transit, Aluergueria, ut dictum est, vocavit, et Martinum, veluti ejusdem praefectum primo loco nominavit, et huic addidit Confratres suos, et monachos Cistercienses (*tum scilicet a Martino recens eo accitos*) qui cum eo sunt, inquiens, in conventu in Aluergueria nova de Peleis. Verba lege infra a num. 17.*

*Zamorensis  
episcopi opera*

C *15 Pergo cum Annalista, cuius verba solum summatum hic referam. Dum itaque Sanctus huic suis xenodochio, quod ipse suo aere fundaverat, auxerante, religiose prorat, sanctioris vite in censu desiderio, motusque recenti exemplo monasterii Morerolensis, quod in eadem Zamorensi diocesi, sexto ab ea civitate lapide ad ripam Eze: fluminis situm (de quo vide plura ad annum 1151, cap. 8 et sequenti) a Benedictinis Institutis ad Cisterciensia nuper transierat, Bernardum Zamorensim episcopum convenit, flagitans, ut suam hic auctoritatem apud S. Bernardum Claravallensem abbatem interponat pro aliquot ex illius monachis et Claraevale, si fieri posset, obtinendis, quorum exempla viteque rationem ipse cum suis amularetur. Quod ut facilius ab episcopo impetraret Martinus, spondet, se quoque suscepit pauperum curam minime dimisuros, sed monasticam observantiam cum consuetis charitatis officiis conjuncturos.*

*admissio Ci-  
sterciensis in-  
stituto, pre-  
esse pergit,*

*16 Adhuc observat Manricus, laudatum Bernardum episcopum patria Gallum fuisse (Petra- coricensis in Aquitania dicitur apud Florez, t. XIV Hispaniae sacre pag. 555 et sequenti) sanctoque Bernardo familiarem. Quidquid sit de hac familiariitate, episcopus pium Viri desiderium pro-*

*bans, ad S. Bernardum scripsit, illiusque sancti-  
tatem, atque exploratam in regendis subditis  
prudentiam, sic commendavit, ut quatuor ab  
eo ex ipsa Claravalle obtinuerit colonos, qui  
eeteris vivendi normam verbis et exemplis tra-  
derent; confirmata Martino in extrinseco mona-  
sterio praefectura, quam in suo xenodochio ha-  
cetenus gesserat. Hos quatuor Annalista Egeam,  
Gerardum, Petrum Pictaviensem ac Bernardum  
nominat, et post S. Martini obitum in ejusdem  
monasterii regimen successisse affirmat.*

*17 Missionem autem hanc ac monasterii ini-  
tiā anno 1151 illiganda esse, probat ex sape fundationem  
laudata Alphonsi regis charta, quam ab ipso ex  
monumentis monasterii Vallis-paradisi vulgatam  
hic subjicio. Ego Alfonsus, imperator Hispanie,  
una cum uxore mea Berengaria, grato  
animo et voluntate spontanea, pro Dei amore,  
et remedio peccatorum meorum, et ut vita  
nostra et successorum nostrorum, cum Dei  
adjutorio et Matris sue, Virginis Mariæ, valeat  
melius prosperari, et devotione, quam habeo  
erga Martinum Cidis, quem inveni virum ju-  
stum et sanctum, et gratia et devotione, quam  
habeo erga confratres suos, et monachos Or-  
dinis Cisterciensis, qui cum eo sunt in con-  
ventu in Aluergueria nova de Peleis circa ecclesi-  
am sancti Michaelis archangeli, quos inveni  
facientes vitam sanctam et honestam, dono et  
concedo praedicto Martino Cidis et confratribus  
suis, et monachis Ordinis Cisterciensis, qui  
cum eo sunt in dicta Aluergueria in conventu,  
nunc et in perpetuum duas villas meas, que  
sunt desertae et depopulatae, que sunt in ter-  
mino de Zamora, et vocantur Cubo et Cu-  
beto.*

*18 Et dono et concedo praedictas villas Mar-  
tino Cidis, et confratribus, et monachis supra-  
dictis, et successoribus eorum, jure hereditario.... Et mando praedicto Martino Cidis, et  
monachis, quod faciant ibi in praedicta Aluer-  
gueria unum monasterium Ordinis Cisterciensis  
ad honorem Virginis Mariæ, quod monasterium  
habet jure hereditario in perpetuum praedi-  
tas villas cum suis terminis etc. Facta charta  
donations Zamoreæ, quarto Nonas Octobris,  
tempore, quo Guido Romanus Ecclesie Cardi-  
nalis concilium in Vallisoleto celebravit, et ad  
colloquium regis Portugallie cum imperatore F  
venit, m. CLXXV. Subscriptiones regni procerum,  
quos plures fuisse, ait, pratermisit Manricus,  
suisque ad hanc chartam regiam observationes  
his verbis adjecti: Hinc primo videoas sanctitatem  
Martini supra vulgarem, neque alias praedi-  
cam a tanto principe. Videoas secundo  
precedentem conventum qualecumque ali-  
quorum confratrum probatae vite, pauperibus  
ministrantium sub sancto Viro. Videoas tertio  
associatos illis monachos, haud dubium, quin  
quos sanctus pater (Bernardus) miserat ad praes-  
ulis Zamorensis requisitionem. Denique videoas  
designatum adventus annum, atque eo ipso  
monasterium mandatum construi.*

*19 Hisce etiam nostras annotationes adda-  
mus. Recete ista observavit Manricus, si missio-  
nem a S. Bernardo excipias, quam etsi aliunde  
verisimilem, ego minime negare velim, ex  
allegatis tamen Alphonsi verbis nequeo confir-  
mare. Fuit porro Alphonsus iste ejus nominis  
VIII, alius VII, Castelle et Legionis rex, qui  
se Imperatorem Hispaniae dici voluit, annoque*

1153

*cujus charta  
hio datur*

AUCTORE  
C. S.

A 1153 *talem coronari unguie fecit; ut apud Pagium in Critica Baronii ad eundem annum, aliosque scriptores obvios videri potest. Berengariam, cuius Alphonsus ibidem meminuit, Raimundi Berengarii, hujus nominis III Barcinonis ac Provincie comitis, filiam, uxori sibi duxerat anno 1124; cumque ipse ex Raimundo Burgundione, Galliae comite, natus esset, Cisterciensem Ordinem benigino prosequebatur affectu, ut Mauricium ad annum 1151 jam observaverat ex Marianis lib. x, cap. 12, ubi ad propositum nostrum sequentia legerem est : Bernardo Claravallensi... gentili suo in primis deditus erat (laudatus Alphonsus) coeque auctore plurima Cisterciensi familiae monasteria extraundam curavit, ac ferme, que hoc tempore toto illo Hispania tractu magnificissima locupletissimaque extant.*

*ex qua constat, ejusdem monasteriorum primordia*

*20 De anno mandatae extirptionis monasterii constat ex adscripta Ara Hispanica MCLXXV, quæ cum vulgarem Christianam annis trigesima et octo præcurrat, annum Christi 1157 designat. De Guidone S. R. E. Cardinale, Sedisque Apostolicæ ab Innocentio II Papa in Hispaniam legato, consuli potest laudatus Pagius ad annos B 1156 et sequentes; paucisque hie ex Papabrochio nostro ad diem 50 Maii in Commentario prævio ad Acta S. Ferdinandi III, Castelle, Legionis etc. regis § 5 obseruasse juverit, Hispanis regibus olim satis familiare fuisse, regnum suorum annos in chartis donationum, non tam numero signare, quam re aliqua ad omnem posteritatem memorabili; quod hic quoque observavit Alphonsus, concilium Vallisoletanum a Guidone celebratum, suunque cum Lusitanis rege colloquium memorando.*

*ad annum 1157, non sequens, figura esse.*

*21 Ex eadem denique apposita aera Hispanica MCLXXV recte redarguit Annalista Cisterciensis eos, qui Belli-fontani monasteri primordia post annum 1162, aut etiam post 1180 differunt. Causam vero, seu occasiōnem, tanta Cisterciensium scriptorum hac super re discordia natam ex eo conçipiūt, quod solū pauci, quatuor scilicet e Claravalle coloni a S. Bernardo ad novum istud monasterium missi fuerint, solū veteri loci prefecto parituri. Nam hinc factum, censem, ut de huiusmodi domus initis instrumenta discordent etiam antiqua, et quedam neque inter Clarae vallis filias nominent, quedam postponant: quippe non misso conventu ex Claravalle, sed paucis monachis, hisque alterius imperio subfuturis, vix tanti fuit, ut tempus adnotaretur. Quæcumque hujus dissensionis ratio sit, ex ejusdem date chartæ anno refutantur, quotquot istud Belli-fontis monasterium, non Claravallis; sed eujuscumque alterius, eo tempore posterioris; filiam esse, voluerunt.*

*Allorum de Sancti in juvenate monachatu*

*22 A relatibus haud parum diversa narrat Philippus Seginus lib. m Sanctorum Ordinis Cisterciensis, cuius verba ex recensione Henriquezii in Annotatis ad Menologium hoc die, huc transcribo. Martinus, vir præclarus nominis et admirandæ virtutis, atque sedulus Euangelica perfectionis sectator, in Valle-paradisi regni Castelle, abbas, in ipsa tenera ætate sacræ Euangeli promissis illectus, insalutatis amicis, relictis parentibus, rebusque charissimis reputatis, religionem monasticam professus est, ut Christum pauperem, cælibem simul et obedientem, rectius imitaretur. Secundum hanc S. Martinus jam inde a tenera ætate monachus factus est: sed in quo monasterio, quamvis Regulam*

*secutus? Cum non aliud monasterium hic nominetur, quam Vallis-paradisi, videri potest id ipse ex Seguni sententia fecisse in eodem monasterio, quod Cisterciensis Ordinis semper fuit, nec nisi in meliore situm translatum anno circiter post Sancti obitum octagesimo sic appellari coepit, sicut infra exponemus.*

*25 Nec assentiri citam possum ipsimet Henriquezio, Bucelino ac Tamayo, qui, dum Martinum S. Bernardi Claravallensis abbatis discipulum faciunt, sensisse videntur, eundem in Claravalle Religiosæ vita rudimenta posuisse, et quidem in tenella ætate, ut addit Bucelinus. Duorum priorum verba habes num. 2 et 5, Tamayi num. 12. Prorsus quoque aliam condendi monasterii sive causam, sive occasionem iudicem martyrologi allegarunt; visum scilicet ab Alphonse rege S. Martinum, seminudum sese in obscurissimo antro flagellantem, eoque spectaculo sic commotum principem, ut ex ejusdem voto monasterium Cisterciense condi fecerit, eidemque illum præficerit abbatem. Forsitan Martinus a non nomine S. Bernardi discipulus dictus fuit, non quod ab ipsomet eodem sancto patre monasticis disciplinis fuerit imbutus, sed quod ejusdem etiam tum viventis consentientisque Institutum suscepit, inquit suum inducerit contubernium: idque alius magis proprio obvioque sensu interpretatus fuit de eodem per ipsummet sanctum patriarcham instituto et in Hispaniam misso.*

*24 Deinde cum audisset, eo loci speluncam fuisse, quæ apud Manricum a S. Martino primum in oratione secessum, mox in pauperum peregrinorum hospitium, ac denique in Cisterciensis Ordinis monasterium conversa fuisse dicitur, nesciretque, quæ id ratione factum esset; aliunde vero didicisset, inter tabellas in ecclesia Vallis-paradisi appensas, esse, quæ Sanctum flagris se cedentem (u. num. 3 dictum est) exhibet, fortassis ista Alphonsi in charta donationis verba. Pro... devotione, quam habeo erga Martinum Cidis, quem inventi virum justum et sanctum, sic exponenda putarit, ut Alphonsus eum se flagellantem invenerit, eaque re motus, quod ille expetebat, monasterium extrendum curaverit. Divinare equidem nequeo, an tabula ista a Manrico laudata quippiam præterea contineat, quod isti faveat opinioni, tantu[m] sit vetustatis, ut eidem aliquid possit ponderis addere: verum quæ hacenus ex Manrico produximus, multo majorem veri speciem præferunt. Atque hæc ex conjecturis dirissime sufficiat.*

*26 Cetera sancti Abbatis gesta latent, seu injuria temporis, seu veterum incuria, nisi quod ille suo pacto de non dimittenda xenodochii cura steterit, dum vixit. Xenodochium (inquit Anna-lista ad annum 1157, cap. 5, num. 9) abbatæ subjectum mansit per multa tempora; certe usque ad ultimos annos illius sæculi utriusque domui donationes factæ leguntur, huic per monachos, illi per confratres inhabitatæ, utrosque sub abbatis dispositione. Plura etiam peculiaria illius facta non tradidit Seginus, qui ejusdem elogium, cuius primam partem num. 22 recitavi, generalibus solum laudibus conclusit hoc modo: In qua quidem vivendj ratione ille incredibili fervore mentis in oratione cum Christo saepè pernoctavit, Deum omnipotentem in spiritu et veritate adoravit, multos Religiosorum hominum cotos ad perfectiorem vitam verbo simul et opere traduxit: unde et multis in vita et post mortem*

*Reliqua ejusdem Sancti gesta ignorantur.*

## AUCTORE

C. S.

Moritur San-  
ctus anno  
1152,

mortem emicuit miraculis, sicut in ejus Historia legitur. *De hac Historia egi superiorius § 4.*

26 *Pretiosam sancti Viri mortem anno Christi 1152 illigandam esse, probat ibidem Annalista cap. 4, num. 4, incidisse, inquiens, in hoc tempore, MEMORIA produnt, quarum haec verba: « Æra MCX Pridie Nonas Octobris obiit Dominus » Martinus Cidus, primus fundator, et abbas » loci istius. » *Data æra Hispanica anno Christi 1152 vere congruit, subductis ab illa annis 58, quibus haec illum præcedit. Eadem æra etiam recte convenit cum octava Lectione officii proprii inferius danda, in qua et idem Christi annus signatur, et quindecim anni a monasterii fundatione usque ad illius obitum numerantur; ducto scilicet horum principio ab anno 1152, quo Alphonsi imperatoris chartam pro ejusdem monasterii fundatione datum vidimus. Convenient item inscriptiones, suis pariter locis recensendæ, quæ ipsius corpus per octoginta annos in primo suo sepulcro jacuisse memorant, dum inde primo translatum fuit.**

die 6 vel 7  
Octobris,

27 *Sed an allegata a Manrico Memoria, quæ cuius xatis sint, ille non explicavit, etiam diem obitus recte signat? Si ita est, Martinus, contra ac Manricus ipsem statuit, non die 7 sed 6 Octobris obitum dicendum est; nam Pridie Nonas Octobris hunc, non istum, diem indicat. Aut igitur vitiōsæ hac in parte sunt ista: memoriae, aut descriptibus vel hypothetice errore vitiaæ; in iisque pro Pridie Nonas legendum est Nonis, aut sancti Abbatis mors uno die, quam alias creditur, matranda. Ut sit, de anno non de die 6, consentit octava Lectio Officii Ecclesiastici, quæ apud Manricum loco citato, num. 5 sic habet: Transacta fundatione domus quindecim annis, charos filios suos relinquens sanctitatis heredes, et terram suam suis virtutibus decoratam, signisque mirabilibus ac innumeris beneficis ditatam et illustratam, mundi despector, ejusque principis debellator, supra mundum ascendit, divitis meritorum abundans, clarus triumphis, miraculis gloriosus, mensis Octobris, die septimo, anno Domini millesimo quinquagésimo secundo. Sacrum sui Patris sancti corpus filii ejus et fratres in ecclesia prioris situs honificare conderunt; ibique per octoginta annos est asservatum.*

*completis in  
predatura  
annis 13:  
ejusdem pro-  
ximi suc-  
cessores.*

28 *Jam dico supra, annos quindecim, qui a fundatione monasterii usque ad Martini obitum transacti dicuntur, inchoando esse a Charta donationis Alphonsi imperatoris, data anno 1157, die 4 Octobris, a que tempore si numeros usque ad diem 6 vel 7 ejusdem mensis Octobris anni 1152 annos quindecim biduo triduo completos reperies; proindeque recte se habent calculi in Officio proprio positi. Ceterum ex quatuor monachis Cisterciensibus, quos Martinum a S. Bernardo impetrasse dixerat Manricus, Egeam eidem successisse, at, huc Gerardum, ac Gerardo de nomine Petrum, dictum Pictaviensem; subditque, Ea (sui) Bernardi in Martinum reverentia, cui nullum subdiderit, nisi quos sciebat dignos praesesse alii; ea Hispanorum modestia monachorum, qui nullum unquam ex suis sibi præfecerint, quandiu missi a Bernardo perdurant.*



**§ III. Monasterii Bellifontani situs ac nominis mutatione: geminæ sacri corporis translationes, inscriptiones seu tabulæ de iisdem factæ: reliquia ecclesiæ Zamorensi concessæ: monasterii fortuna.**

**H**actenus pauca illa, quæ de S. Martini gestis novimus, depropria ex illustrissimi Manrici Annalibus Cisterciensibus, ex quibus etiam cetera quedam ad ejusdem gloriam posthumam spectantia referemus. *Caput 5 anni 1252 sic orsus est: Hoc anno Ferdinandus Castellæ rex, quod olim avus, (imo proavus) condidisset imperator Alphonsus, monasterium, dictum de Bellofonte, seu de Peleas in Zamorensi diœcesi, ob intemperiem aeris atque alia incommoda, quæ monachi in ea dadum experti essent, in aliud locum commodiore transtulit, atque nomen cum loco mutare jussit, aedificatis, ipsius regis expensis, novis habitacionibus, quas sive ab ipso, in quo surgebant, fundo supra modum amoenos; sive ex sanctorum, quibus præparabatur, conversatione, Vallem-Paradisi præcipit appellari, litteris de translatione expeditis appellationeque, quas ex archivis ejusdem monasterii (insigne monumentum regiae pietatis largitatisque, atque ejus, quam Cistercio exhibet, venerationis) breves et graves pro meo more transcribam.*

50 « Ferdinandus rex Castellæ et Toleti, Legiones et Galleæ Dei gratia, omnibus, ad cujus charta recitatur,

» quos præsens scriptum pervenerit, salutem et gratiam. Scripturae sacræ testimonio declaratur, quod spiritualis homo propositum non mutat, cum pro salute animæ sue utilius alio quid meditatur: inde est, quod, cum abbas et monachi monasterii De BELLO-FONTE, quod PELEAS generaliter appellatur, Ordinis Cisterciensis, ibidem diutius fuerint conversati, et propter inqualitatem loci, et aeris distemperantiam graves corporum ægritudines et alia incommoda quamplurima sustinerent, propter quæ divinum servitium, ad quod specialius sunt adstricti, commode explore non possunt, ut ex voto tenentur; eorum tranquillitati providerere volentes, et ut religio temporibus nostri Dei servitio suscipiat incrementum, dictos abbatem et monachos transferimus ad monasterium, quod mandavimus constitendum in loco, qui VALLIS-PARADISO vulgariter appellatur; firmiter prohibendo, ut deinceps, nisi VALLIS-PARADISO locum, sive monasterium, aliquis audeat appellare. »

51 « Si quis ergo hanc chartam infringere, seu in aliquo diminuere præsumperit, iram Dei omnipotentis plenarie incurrat, et regiae parti mille aureos in cauto persolvat, et damnnum super hoc illatum prædicto monasterio restitutat duplicatum. Facta charta apud Avilam, regis expensis, secunda die Novembris, era M CC LXX; id est, anno vulgari 1252, subductis inde annis 58. Ferdinandus, cuius charta est, fuit hujus nominis III Castellæ ac Legionis

Monasterium  
Bellifontis  
munificencia  
S. Ferdinandi  
regis,

E

situm et no-  
men mutat  
anno 1252.